



Die



Grootraad Besluit Oor Parlementêre Front

Ruime Volksfront Onder Leiding Van Ossewabrandwag

Onderstaande besluit insake 'n parlementêre volksfront is op 29 September geneem deur die Grootraad van die Ossewabrandwag in sitting te Johannesburg:

Die Grootraad neem kennis van die besluit tot uitsetting van alle lede van die Ossewabrandwag uit die H.N.P., d.w.s. die meerderheid van die Ossewabrandwag se totale ledetal, en aanvaar die konsekwensies daarvan.

Dit beteken o.a. dat vir sulke uitgeskepte lede 'n nuwe tuiste op parlementêre gebied geskep moet word. As partylose republikeinse Volksbeweging, gedra deur 'n Christeliksosiale lewensbeskouing, kan en wil die Ossewabrandwag nie oorgaan tot die stigting van 'n party nie. Intendeel voel ons dat die volk van nature en organies 'n eenheid is en dat hierdie natuurlike eenheid juis deur party-eksklusiviteit vertroebel en versteur word. Maar die Ossewabrandwag is bereid om die inisiatief te neem om 'n parlementêre volksfront te bewerkstellig waarin alle beskikbare volkskrigte op 'n ruime grondslag ingeskakel word tot verwesenliking van 'n gemeenskaplike ideaal, nl. 'n vrye Suid-Afrika waarin die kommunisme afgeweer word veral deur die onderdrukking van sy oorsaak — die kapitalistiese uitbuiting — en die positiewe versekering van sosiale geregtigheid, en waarin die toekoms van die blanke ras beveilig word ook in belang van die nie-blanke rasse wat in Suid-Afrika aan sy sorg toevertrou is.

Om hierdie frontstigting aan die gang te sit, benoem die Raad 'n komitee onder leiding van sy leier, dr. J.

F. J. van Rensburg, en bestaande uit die onderleier, genl. J. A. Smith, ds. S. J. Stander, voorsitter van die Grootraad, prof. A. J. H. van der Walt, asook die beleidstudieshoof, prof. L. J. du Plessis, gebiedsleier C. A. Pienaar en die volksorganisasiehoof, prof. G. Cronjé, met die opdrag om te beraadslaag met ander groepe, organisasies of persone wat bereid is tot saamwerking desgewens met behoud van hul identiteit as sodanig.

Van sy kant het die Ossewabrandwag reeds oorgegaan tot die vorming van 'n verteenwoordigende sosiaal-ekonomiese beleidsraad vir die ontwikkeling van 'n eie positiewe beleid vir volkspolitiek."

Met die oog op die ontwikkeling van sy sosiaal-ekonomiese beleidsraad vir volkspolitiek en tot koördinerende van die werk en beleid van sy afdelings en vertakkings besluit die Grootraad om die Ossewabrandwag as omvattende volksbeweging verder uit te bou deur inskakeling van die afdelings en vertakkings van beleidstudie, volksorg, arbeid, voorligting en kultuur as onderafdelings van die O.B.-beleidsraad.

Die hoof van die Beleidsraad, deur die Kommandant-generaal benoem, het opdrag om veral sosiaal-ekonomiese beleid te propageer, ook ter leiding van parlementêre- en arbeidsoprede. Die nodige deskundiges sal ook op die Raad sitting neem.

K.G. SE VERKLARING I.V.M. ADV. PIROW SE OPEBRIEF

Na aanleiding van 'n opebrief van adv. Pirow in Die Vaderland, verklaar die Kommandant-generaal langs dieselfde weg:

'n Volk word deur broedertwis sowel as deur blote niksdoen in oomblikke van gevaar ten gronde gerig.

Wat ek in Afrikanerkringe in die Ossewabrandwag van naby leer ken het in die laaste jare het my die vaste geloof gegee dat ons volk nie sal ondergaan nie. Wat betref u versoek om toetreding tot 'n versoeningskomitee wil ek direk antwoord dat die O.B. en ookeek persoonlik nooit versoening van die hand gewys het nie. En ons is ook bereid om dit nou vir die soveelste maal sedert Monumentkoppie na te streef. Die bewys van versoening lê egter in samewerking. Besluite van die Grootraad staan my gesegde dat ons ten spyte van uitskoppele nog steeds bereid is om met H.N.P.-Afrikaners net soos met alle ander Afrikaners saam te werk.

KOMMUNIS WANHOOP

„Slegs 'n wonder kan die land van fascisme red,” skryf Soily Sachs, bekende kommunistiese leier aan die Rand in die Garment Worker. Onder fascisme verstaan hierdie mense natuurlik die beleid wat deur die Ossewabrandwag voorgestaan word. As rede vir sy wanhoop voer Sachs aan die feit dat die staatsdiens onder beheer is van „pro-fascistiese” elemente, dat verskeie universiteite en baie skole dien as broeiplekke van „fascisme” en dat die teruggekeerde soldate in die na-oorlogse ontwrigting teen die regering sal draai.

Beloftes maak skuld, sê die spreekwoord — beloftes maak stemme, sê die partypolitikus.

WAPENSKOU WY UITGAWE AAN ARBEID

Wapenskou se arbeidsuitgawe, wat so pas verskyn het, is 'n gebeurtenis nie sonder betekenis in die Afrikaanse joernalistiek nie. Vir die eerste keer word in hierdie Afrikaanse tydskrif die ereplek afgestaan aan die skildering van werkerstoestande in ons land, nie in die taal van een of ander geleerde nie, maar in die beeldryke taal van die werkers self. Dit is voorwaar 'n voorbeeld wat navolging onder die ander Afrikaanse blaie en tydskrifte verdien. Voor die onlangse studente-werkerkongres wat deur die A.N.S. op Johannesburg gereël is, het 'n reeks van 13 werkers, o.a. mynwerkers, spoorwegmanne, trembestuurders, klere-werkers, bouwerkers, ens., opgetree, en dit is hulle toesprake wat in die jongste Wapenskou opgeneem is.

Naas die werkerstoesprake is daar ook referate van dr. J. F. J. van Rensburg, wat die ere-president van die A.N.S. is, dr. S. P. van der Walt, mnr. W. R. Laubscher, arbeidslaer-organiseerder van die O.B., mnr. S. Schoeman, oud-L.V. vir Fordsburg, e.d.m. Brandwagte sal dus met groot voordeel met hierdie leesstof kennis maak. Intekengeld vir die volle jaargang van Wapenskou (kwartaalblad) is 5/- p.j., en die adres van die administrasie is Bus 28, Stellenbosch.

VERPLIG OM TE KIES

By geleentheid van dr. Malan se vergadering op Potchefstroom voorverlede week het prof. L. J. du Plessis uit die gehoor opgestaan en verklaar dat dr. Malan 'n verkeerde voorstelling van die Ossewabrandwag gee. Hy het voorts gesê dat na die besluit van die Transvaalse kongres om O.B.-lede uit te skop, hy nou verplig is om tussen die O.B. en die H.N.P. te kies. Hy kies dus die Ossewabrandwag, en is nie meer lid van die H.N.P. nie.

Drie Deskundige Uitsprake Oor Partypolitieke Nalatenskap

„In geen ander deel van die wêreld het ek erger grondverspoeling teengekom as in die Unie nie,” het dr. Hugh Bennett, hoof van die Amerikaanse organisasie vir grondbewaring, verlede week in Kaapstad gesê.

„Behuising in die Unie is 'n groter probleem as in enige van vyftien lande wat ek besoek het,” het dr. E. J. Hamlin, direkteur van nasionale behuising in die Unie, kort gelede in 'n toespraak voor die Durbanse Rotariërs verklaar.

„Meer as veertig persent van ons blanke bevolking in die Unie beskik nie oor die nodige middels om in al die voedingsbehoefes van hul liggaam te voorsien nie,” het dr. L. M. Latsky, voedingsbeampte van die Departement van Volksgesondheid, verlede jaar in 'n radio-praatjie verklaar.

Hier het ons oordeelkundige uittalings oor drie van die belangrikste aspekte wat die menslike lewe raak: die grond waarop en waaruit hy lewe, die dak oor sy kop en die voeding van sy liggaam. En dit is die rekord van 'n partypolitieke bewind oor 'n tydperk van vier-en-dertig jaar. In hierdie tyd het elke party van belang reeds geleentheid gehad om in die kussings te sit. Dit het aan die noodlottige verloop van sake geen die minste afwyking besorg nie. En nog is daar politieke partye wat voorgee

dat die redding van Suid-Afrika alleen van hulle afhang is!

Die redding van ons land en sy inwoners hang nie af van 'n demokratiese party nie, maar met die genade van God hang dit van die volk self af. Alleen wanneer die volk alle partyverdeelheid van hom afskud en hom as 'n eenheid organiseer binne 'n volksbeweging waar daar gewerk word in plaas van getwis, kan hy hoop om uit hierdie moeras van maatskaplike en ekonomiese ellende verlos te word.

As 'n politikus praat van woestyn, bedoel hy daarmee die tydperk waarin sy party van die regeringskussings beroof is.

As 'n volksman praat van woestyn, bedoel hy daarmee 'n land wat deur wind of water van sy teelaarde beroof is.

ONS EIE BOEKE

Kan Ons Aanbeveel.

VERNAME PERSONE
deur Dr. E. Stockenström 6/6 p.v.
DIE AFRIKAANSE VROU
deur Dr. E. Stockenström 6/6 p.v.
SAAM VERBAN
'n Verhaal uit die Anglo-Boere-oorlog
deur Mev. M. J. v. Straten 5/- p.v.
MARYNA — 'n roman
deur Malherbe-Carinus 5/- p.v.
MIETES EN SAGES
Ou Griekse legendes
deur Mev. Dr. P. v. Braam 6/6 p.v.

SKANDINAWIESE VERTELLINGE
deur Prof. A. C. Bouman
en Prof. C. F. S. de Villiers 5/6 p.v.
DIE OU BYBEL
'n Verhaal uit die tyd van die Hugenote-ervolg
deur S. Niemeyer 3/6 p.v.
VIR KINDERS
Kinders van die Boerevrou 6/6 p.v.
ANNA DIE VOELTJIE
en ander verhale 1/6 p.v.
TWINTIG SKOOLLIEDJES 3/- p.v.

Bestel van

Pro Ecclesia-Drukkery (Edms). Bpk.

POSBUS 28

STELLENBOSCH

As Politiek Sy Doel Mis

Sensasiewekkende berigte oor die verspoeling van ons vaderlandsgrond het die afgelope weke in die dagbladders verskyn na aanleiding van die besoek van 'n Amerikaanse deskundige, dr. Hugh Bennett, wat na 'n reis deur die land verklaar het dat hy in geen ander land so 'n skrikwekkende grondverspoeling teengekom het as in die Unie nie.

Hier het ons 'n tipiese voorbeeld van demokratiese optrede. Vir elke vaderlander was dit jarelank reeds 'n pyniging om die afskuwelike lidtekens van grondverspoeling oral in ons land te aanskou. Hier en daar het 'n stem in die woestyn geroep, maar afgesien van 'n paar staatsamp-tenare wat in obskure afgesonderde geïsoleerde posings aangeswend het om die verwoesting teen te gaan, is daar van owerheidsweë en van die kant van die openbare pers niks of bloedwelnig gedoen om die vraagstuk op groot skaal aan te pak of ten minste aan die kaak te stel. Dit is maar nouliks 'n jaar gelede dat daar 'n sogenaamde „Veldtrust“ in die lewe geroep is, wie se taak dit ook nie is om alle magte teen die bedreiging te mobiliseer nie, maar in die eerste plaas om die publiek „grondbewus“ te maak deur middel van propaganda.

ONNODIG

In 'n staat waar politiek die opbou van die land en versorging van die volk beteken, en nie die voer van verkiesings nie, sou dit nie nodig gewees het om 'n komitee aan te stel om die publiek „grondbewus“ te maak nie en nog minder om 'n vreemdeling van buite in te voer om aan die volk te kom sê wat elkeen met sy blote oog elke dag nanskou. Want in so 'n staat waar politiek arbeid aan die volksbestaan beteken, sou die versorging van die vaderlandsbodem 'n gemeenplaas gewees het. Wel sou in so 'n staat van ervaring in die buiteland geleer kon word — sonder gevaar om van die een of ander „Sap“-neigings beskuldig te word. Wat meer is, in so 'n land waar politiek die gesamentlike arbeid van die volk beteken, sou dit ook nie nodig gewees het om by geleentheid van 'n besoek uit die vreemde te verneem van wat een boer aan die Oranjerivier doen om grond te herwin of wat 'n ander boer by Port Elizabeth doen om sandduine beweihaar te maak nie. Nee, sulke private ondernemingsgees sou deur die staatsmasjinerie lank al ontdek en oral aanwendbaar gemaak gewees het, want in so 'n staat word daar belang gestel in die WERK van die burger en nie in sy STEM nie.

GROOT NUUS

Maar nou leef ons ongelukkig nie in so 'n volkstaat nie maar in 'n partypolitieke demokrasie, en daarom is dit groot nuus as 'n buitestander vir ons kom sê ons vaderlandsbodem spoel see toe. Dit is sensasie vir die dagbladders — wie se taak dit in 'n demokratiese staat alleen is om sensasie te verskaf wanneer dit nie besig is om stemme te werf nie. In 'n volkstaat sou die pers gehelp het om die volk voor te lig en sou daar in plaas van skokkende berigte oor uitgesproke menings in verband met grondverspoeling gereelde voorligting oor die bewaring van grond verskyn het.

Ons leef egter in 'n partypolitieke demokrasie waar politici dag in dag uit oor die verspoelde aarde jaag om stemme te werf — geweldig meer bekommerd oor die politieke grond wat onder hul voete uitspoel as oor die vaderlandsgrond wat na die see wegdryf. En in hierdie staat word die volk voortdurend gemobiliseer om teen mekaar slag te lewer by die stembus in plaas van teen die vraagstukke. En as die publiek so ver gekom het dat hy „grondbewus“ geword het, word daardie bewustheid nie aangewend om grondverspoeling teen te gaan nie, maar word dit deur die politici aangegryp as nog 'n verkie-

Bondgenootskaplike Verhoudings

(Dear Prof. J. A. Wild.)

In ons laaste artikel is daarop gewys dat Bolsjewistiese ideologie, d.w.s. kommunisme en Bolsjewistiese imperialisme, d.w.s. Russiese magspolitiek buite die grense van die Sowjet sedert September 1939 op die mars is. Hierdie ontwikkeling het twee stadia deurloop. In die eerste stadium het die Russe veral gebruik gemaak van hul nie-aanvalsverdrag met Duitsland om tussen September 1939 en Julie 1941 die hand te lê op die helfte van Pole, strategies-belangrike dele van Finland na die Fins-Russiese oorlog van 1939-1940, die Oossee-state van Estland, Letland en Lituë en die Roemeense provinsie van Bessarabië. Na Julie 1941 het Rusland 'n bondgenoot van die Angel-Saksers geword en steunende op hierdie bondgenootskap sowel as op sy militêre prestasies het hy nie alleen die bogenemde gebiede wat hy in sy oorlog met Duitsland tydelik verloor het, terug gewen nie, maar ook veel verder gegaan soos die jongste gebeurtenisse in Finland, Pole, Roemenië en Bulgarye bewys.

Op grond van die gebeurtenisse sedert September 1939 lyk dit of die Bolsjewistiese Rusland 'n ewe-gevaarlike vriend as vyand kan wees. Eers was dit die Duitsers wat hierdie ondervinding opgedoen het en vandag is dit die Britte en Amerikaners. Moskou weet presies wat hy wil hê en in die bereiking van hierdie doelwit laat hy hom nie deur vriend of vyand keer nie. Dit lyk of die Bolsjewistiese Rusland wat sedert die eerste wêreldoorlog so lang 'n verstoteling in die gemeenskap van volke was — die geskiedenis van die Volkebond bewys dit — vandag daarop uit is om hom op alle gebiede te laat geld. Sy ideologiese imperialisme word in die hand gewerk deur die troostelose toestande in Europa wat deur die grootskaalse ontwrigting van die huidige oorlog geskep is en sy magspolitieke imperialisme wat so getrou op die voetspore van die ou Tsaaristiese imperialisme volg, vind sy krag nie alleen in die internasionalisme van sy kommunistiese ideologie en in die militêre prestasies van die Rooi leër nie, maar op die oomblik ook in die waardevolle hulp van sy Angel-Saksiese bondgenote. Vandaar dat Russiese imperialisme op ideologiese gebied sowel as op die gebied van die magspolitiek binne en buite Europa vandag op die mars is soos nog nooit te vore in sy geskiedenis nie.

'n Paar Vraagtekens

Die groot vraag vandag is: hoe gaan hierdie Russiese geldingsdrang die bondgenootskaplike verhoudings met Washington en Londen affekteer? Gaan die Angel-Saksers die Duitsland van 'n Adolf Hitler vernietig ten einde die Rusland van 'n Josef Stalin op die troon te plaas? Gaan die Britte 'n streep trek deur hul tradisionele beleid om die Russiese uitbreidingsdrang na Indië, die Persiese Golf en die Dardanelle te keer? Watter uitwerking gaan die kommunistiese wêreld- en lewensbeskouing van Moskou en sy groeiende aanhang in Amerika en Brittanje hê ten opsigte van Angel-Saksiese instellings soos private eiendom, staatskerk, adel en koningskap, om slegs 'n paar te noem?

Die Skrif aan die Muur

Niemand sal vandag beweer dat die verhoudings tussen Rusland en sy Angel-Saksiese bondgenote alles ma-

singsplank waarmee die strydende partye mekaar kan beoorlog — deeglik bewys van die gevaar dat hulle oor vyf of tien jaar onder rotasiedwang na die politieke woestyn sal moet gaan, maar salig onbekommerd oor die werklike woestyn wat hul nageslag wag.

Met hierdie soort politiek het die Ossewabrandwag finaal gebreek. Politiek beteken vir hom nie meer verkiesings wen nie, maar arbeid aan en deur die volk. Daarom lui dit in sy beleidstuk ten opsigte van die grond: „Bewaring en verbetering van die teelaarde met die oog op die volkstoekeoms“ — en nie: „met die oog op die aanstaande verkiesing“ nie!

neskyn en rosegeur is nie. Die gemeenskaplike Duitse vyand het wel 'n bondgenootskap tussen hierdie drie grootmoondhede moontlik gemaak, maar dit is 'n bondgenootskap vol barste en krake. Nog 'n paar dae gelede is uit Londen berig dat ongeveer 20 Britse en Amerikaanse offisiere wat omtrent tien dae in Sofya was, per motor na Turkye vertrek het nadat hulle deur die Russiese militêre opperbevel in die Sofia-streek beveel is om Bulgarye binne 24 uur te verlaat. Russiese offisiere het saam met die Engelse en Amerikaners tot by die grens gereis.

As in gedagte gehou word dat Bulgarye in oorlog met Brittanje en Amerika maar nie met Rusland gestaan het nie, dat 'n Bulgaarse wapenstilstandkommissie juis in Kaïro besig was om met die Britte en Amerikaners te onderhandel toe Russiese troepe Bulgarye binnegeval het en dat Bulgarye aan die poorte van die Dardanelle is, dan is dit nie moeilik om die Londense berig, die skrif aan die muur, te vertolk nie. Onder gewone omstandighede sou hierdie Russiese optrede in Sofia allig 'n casus belli uitgemaak het.

Die insident van Sofia is egter maar een van 'n hele reeks dergelike insidente wat bewys lewer dat dit met die bondgenootskaplike verhoudings tussen Moskou, Washington en Londen nie alles wel is nie. Toe die Britte en Amerikaners 'n paar jaar gelede Iran binnemarsjeer het, het die Russe nie op hulle laat wag nie en dieselfde gedoen.

Die onheilspellendste skrif aan die muur is waarskynlik die Russiese optrede ten opsigte van Pole, hierdie ongelukkige land wie se onafhanklikheid deur Brittanje gewaarborg was en watter waarborg die onmiddellike oorsaak sou gewees het dat Brittanje op 3 September 1939 oorlog aan Duitsland verklaar het.

'n Volgende keer meer oor die Poolse skrif aan die muur.

LUCERN en AARTAPPELS

STUUR U PRODUKTE AAN

UNIE PRODUKTE AGENTSAP

Hangerstr. 34 — BLOEMFONTEIN
Elenaars: A. SPIES en MOOLMAN.

MOREMARK PRETORIA

BOERE! vir die beste dienste, stuur u produkte, eiers, en lewendehawe, aan ons vriende

PRINSLOO & VENTER

WELGEMOEDGEBOU

Bus 361 Telefoon 2-2208

PRETORIA

DEFTIGE

SOMERSHOEDE

in groot verskeidenheid

by

Steyns

Parow se Moderne

DAMESMODISTE

Voortrekkerweg — PAROW

MEUBELS

PRYSE STYG VINNIG.

KOOP NOU!

ONS HOU ALLEENLIK GOEIE KWALITEIT MEUBELS IN VOORRAAD.

Werda Meubelhandelaars
(Eiendoms.) Beperk,

Groote Kerkgebou, KAAPSTAD.

Posbus 210. Foon 2-6806.

Ondersteun ons Blad

KERSFEESKAARTJIES

Kersfees en Nuwejaar kom! Bestel nou!

Pragtigste versameling ooit aangebied.

Prys 6/- per dosyn posvry.

Kontant by bestelling.

Alleen die Boerejeug-hoofkwartier is vanjaar deur die Organisasieleier gemagtig om kerskaartjies te versprei.

Bestel regstreeks deur

Die Boerejeug, Posbus 5754, Spoorbondgebou, JOHANNESBURG.

£1000 vir u Oë

Sekerlik nie — Gee hulle dan die geringe aandag wat hulle toekom.

DUWAS

Die Antiseptiese en Helende Oogwas.

'n Spesialiteit se Voorskrif vir moegheid, branderigheid, spanning, rooiheid, inflammasie, waterigheid en gevoeligheid van die oë vir skerp lig en stof. Van alle Apteke, of direk van

DIE VOORTREKKER-APTEEK

KERKLAAN, ADDERLEYSTRAAT, KAAPSTAD, (Bus 2760).
MAITLANDSTRAAT 37A, BLOEMFONTEIN, (Bus 765).

RAKETTE

ASOOK ANDER SPORTBENODIGHEDE

stuur aan

VAN ZYLS

vir

HERSNARING

DIE PAARL

OOK TE PORTERVILLE.

Plaasbotter Weerspreek Regering

Oorlogsuitvoer Oorsaak van Tekort

Volgens syfers wat deur die Minister van Landbou 'n paar weke gelede verstrek is, is die Unie se uitvoer van botter vir oorlogsdoeleindes nagenoeg 10 miljoen pond per jaar. Om hierdie uitvoer te kan handhaaf moet die Unie-bevolking gerantsoeneer word, soos trouens die afgelopen paar jaar gereeld gebeur. So 'n tekort was daar hierdie jaar in ons land dat die voorrade tot op 'n kwart van wat dit aan die begin van die jaar was, ingekort is vir openbare gebruik. Volgens 'n latere aankondiging van die Minister moet die tekort glo toegeskryf word aan 'n oormaat van reën gedurende die somermaande en daaropvolgende droogtes!

Maar nou is dit baie interessant dat onderwyl die pers vol was van voorspellings dat die verskriklike bottertekort nog maande sal duur, die mark vrywel goed voorsien geraak het van plaasbotter, wat weliswaar teen dubbel die vasgestelde prys van fabrieksbotter verkoop is. Die feit bly egter dat daar botter op die mark was, en wel heelwat meer as wat die regering wou toelaat. Eers het die regering hierdie bemerking probeer verhinder deur met 'n dreigement te kom. Toe dit nie help nie, het hy plaasbotter se prys op 1/11 vasgestel.

Dit is duidelik dat die regering hoop om langs hierdie weg die boere te dwing om hul room aan die fabriek te lever vanwaar dit aangewend kan word vir uitvoerdoeleindes ten koste van die eie volk. Indien die regering wel besorg was oor hoë pryse, waarom het hy die pryse nie vasgestel toe plaasbotter verlede jaar 5s. 8d. behaal het nie? Dit is opvallend dat die pers al dadelik aankondig dat die boere nou nie meer hul botter na die mark sal stuur nie en ook nie hul room na die fabriek nie. Net soos in die geval van vleis sal die boere nou verantwoordelik gehou word vir die tekort wat inderdaad te wyte is aan die buitensporige uitvoer ter nakoming van oorlogsverplichtinge.

NOG 'N POGING

In 'n ope brief wat hy aan die pers oorhandig het, doen adv. Pirow 'n beroep op dr. Malan en dr. Van Rensburg om bymekaar te kom. Hy voer aan dat daar groot ooreenkomste bestaan tussen die verskillende groepe ten opsigte van al ons kernprobleme. Hy stel voor dat die genoemde twee leiers onder voorsitterskap van een of van albei, of onder voorsitterskap van 'n moderator van een van die kerke, 'n versoeningskomitee stig waarop die O.B. en H.N.P. die grootste verteenwoordiging sal hê, maar waartoe ook uitgenooi sal word alle ander nasionaalgesinde groepe. Die komitee se taak moet wees om die vrede te bewaar, gesamentlike optrede in sake van nasionale belang te behartig en om 'n anti-kommunistiese front te stig.

Die brief meld dat Die Volksblad die voorstel „by voorbaat verwerp het”.

(Toe dr. Van Rensburg op 22 Junie 'n laaste beroep op dr. Malan gedoen het tot samewerking, was laaggenoemde se antwoord dat hy hom nie ophou met die metodes van Tsjaka en Dingaan nie, en nooit met dr. Van Rensburg sal saamwerk nie.—Red.)

UIT HUL BEHOEFTE

Die gees van offervaardigheid binne die Ossewabrandwag, veral onder behoefte lede, is 'n wonderlike verskynsel wat getuig van die krag wat van die Beweging uitgaan en die geloof in hom. Van Roossenekal (Tvl.) word berig van 'n behoefte vrou, mev. C. Kidson, wat droëvrugte vir £1 verkoop en dit aan die Noodhulpfonds geskenk het. 'n Paar ander behoefte vroue op Bothasberg het saam £1-13-0 vir die Noodhulpfonds geskenk.

O.B.-Dagvierings

Die volgende berigte oor O.B.-dag het binnegekom:

Barberton: Barberton-kommando het 'n skitterende sukses met die O.B.-dag te Kaapmuiden gehad. Die opkoms was besonder goed. Die bedrag van £175 is ingesamel, wat dié van die vorige jaar met £70 oorskry. Die K.G. het in die middag die vergadering toegesprek.

Lydenburg: Hierdie manne- en vroue-kommando het op 12 Augustus deur die dag 'n basaar op die dorp gehou en kon meer as £100 insamel. 'n Klein veldstoeltjie wat deur een van die losgelate geïnterneerdes gemaak is, het £5-1-0 opgebring. Komdt. P. M. du Plessis, van Hoofkwartier, het as spreker opgetree. Die opbrengs was bykans die helfte beter as in 1943.

Louis Trichardt: Kommando's Flal en Flaf het op 19 Augustus hul funksie gehou. Die opbrengs van die dag was £101. As spreker het opgetree prof. C. H. Rautenbach, van Pretoria. Op 15 Julie is in die Veldkornetskaps Spitzkop ('n deel van die Kommando) ook 'n funksie gehou waar die opbrengs £34 was. Van 8 Aug. 1943 tot 30 Julie 1944 is ook die mooi bedrag van £65 deur twee asst.-veldkornetskappe (vroue) ingesamel deur die maak en verkoop van naaldwerk en kinderspeelgoed. Hierdie manne- en vrouekommando het dus vir O.B.-dag die pragtige bedrag van £200 byeengebring, wat meer as dubbel soveel as dié van die vorige jaar is.

Tussenkomst: Kommando's F5b3 en F5b7 het op 11 en 12 Augustus hul funksie gehou en die opbrengs na aftrek van alle kostes was £80-15-7 vergeleke met die £65-11-3 verlede jaar.

Koster: Kommando F6a6 het hul funksie op die plaas Kosterfontein gehou en het 'n netto-opbrengs van £25 gelewer. Genl. Fouche en hoofkomdt. Blom het as sprekers opgetree.

MINDER STEMME AS LEDE

Deur die sekretaris van die Transvaalse H.N.P. is bekendgemaak dat die ledetal van genoemde party in Transvaal op 140,000 staan. Dit is van belang om te weet dat die H.N.P. met die algemene parlementêre verkiesing verlede jaar slegs 125,000 STEMME gekry het en met die provinsiale verkiesing in Oktober verlede jaar het hierdie getal tot 80,000 gekrimp. Die H.N.P. het dus, volgens die syfers van sy sekretaris met die jongste verkiesing 60,000 stemme minder gekry as sy ledetal — en dis bekend dat die meerderheid van die O.B.-lede in Transvaal wel vir die H.N.P. gestem het. Wat sal die posisie wees as hierdie O.B.-lede nog uitgeskop word soos die kongres besluit het?

NOODHULP-AANBOD

Na aanleiding van die aanbod van generaal E6 om £300 in die O.B.-Noodhulpfonds te stort as 'n spesiale poging, soos vermeld in Die O.B. van 3 Mei 1944, berig Gebiedskwartier E dat die generaal hierdie bedrag alreeds gestort het bo en behalwe sy gewone maandelikse bydrae.

Die aanbod lui dat generaal E6 onderneem om £300, bo en behalwe sy gewone maandelikse bydrae, in die O.B.-Noodhulpfonds te stort mits tien ander generaalskappe dieselfde doen, tien ander £150 en die oorblywende generaalskappe £50 elk insamel.

Tot dusver is generaal E3 die enigste generaalskap wat gehoor gee het aan hierdie aanbod.

Generaal E6 vra nog, hoewel hulle £300 inbetaal het, dat die ander generaalskappe in die Unie ook 'n soortgelyke spesiale poging moet aannwend tot sterking van hierdie groot volksaak!

OORLOGSONSIN VERWEK „MAATSKAPLIKE SIN”

„Die oorlog het dwarsdeur die wêreld 'n sterk maatskaplike sin laat ontstaan,” het genl. Smuts verlede week in 'n toespraak voor die Wel-synskonferensie gesê.

Snaaks genoeg dat die oorlog nou juis moes ontstaan het met die doel om die sterk maatskaplike sin uit te roei wat in Duitsland uitlewing gevind het onder die Hitler-bewind. In hoever die oorlog self bevorderlik was vir hierdie nuntgevonde maatskaplike sin van die demokratiese bewindhebbers, blyk uit die berigte omtrent broedermoord en onmaatskaplike wanordelikhede in die „bevryde” lande.

Die Ossewabrandwag het geen oorlog nodig gehad om 'n maatskaplike sin in hom op te wek nie — hy is 'n jaar voor die oorlog juis gestig met die doel om 'n staat te verkry waarin daar gelewe sal word in die gees van een vir almal en almal vir een. En terwille daarvan sit honderde lede van hom nog in die kampe en tronke op gesag van genl. Smuts!

VERJAARDAGKETING

5 Okt.: Nancy van Zyl, Paarl; Susara van Deventer, Pearston; Fransina Christina Kriel, Wilgenhoutsdrift; Inez Eksteen, Franschhoek; Rudolph van Niekerk, Tarkastad; Pieter de Waal, Stellenbosch; Marietta Bekker, Beaufort-Wes; John Taljaard, Goodwood; Frans A. Smit, Frasierburg; Berend Barend van Heerden, Witkop; Abraham Paul Janse van Rensburg, Clocolan; Anna Jacobs, Philippolis.

6 Okt.: Alida Maria van der Merwe, Kakamas; Marieta Wagener, Kirkwood; Petronella Aletta Nel, Kirkwood; Gert Uwes Steyn, Karreedouw; Anna Nel, Aughrabies; Sannie Nortje Gembokvlakte; Daniel Smit, Pearston; Barend Fourie, Observatory; Gusta Louw, Kampsbaai; Johannes Francois Eloff, Werkmetius; Jan Heyetek Boshoop.

7 Okt.: Martha Christina Bekker, Kirkwood; Helena Johanna Fouche, Kommissidrif.

8 Okt.: Rita Liebenberg, Paarl; Hanna Nel, Pearston; Jossie du Plessis, Sutherland; Rhinus Nortje, Sutherland; Helena Sophia Bieldt, Wolseley; Jan van Eck, Port Elizabeth; Schnettler de Wit, Tarkastad; Renier Johannes Cornelius du Plessis, Witkop; Barend Johannes Carel Koen, Wesselbron.

9 Okt.: Susanna van Tonder, Toekoms; Jacobus Malan, Hugenoot; Jacob Stephanus de Vos, Seepunt; Christoffel Petrus Jochemus Prinsloo, Wesselbron.

10 Okt.: Beatrix Olivier, Beaufort-Wes; Helene van der Westhuizen, Kakamas; René Dempers, Paarl; Johanna Gertruida Malherbe, Vryburg; Christina Viviers, Wilgenhoutsdrift; Etienne le Roux, Franschhoek; Anna Burger, Brandvlei; Nesté Plo., Groot-Brakrivier; Paul Kruger Lombard, Amalia.

11 Okt.: Beatrice Wiid, Stellenbosch; Nicholas M. Dippenaar, Aughrabies.



NEEM TOE IN POPULARITEIT



IN 'N VERANDERENDE WÊRELD

Kommando

-SIGARETTE

ROND OF OVAAL

WAARDE VIR GELD

582274

SASBANK

Verrig Volksdiens

Lenings vir gesalarieerde persone verkrygbaar


Terma usters billik

RAADPLEEG SASBANK

PAARL:— Posbus 266.

WORCESTER:— Posbus 57.

KAAPSTAD:— Posbus 2387.



DIE TWEDE SKOF . . .

In u werkjare kan u dit waag om die toekomst met gerustheid tegemoet te sien, want u inkomste is gereëld en seker genoeg om u die goeie vooruitsig te verskaf dat u lewensloop langs 'n gebaande weg sal gaan.

Maar . . . daardie gestrate pad loop dood as u die dag aftree en u inkomste dan daal of heeltemal ophou. En die pad verder kan vir u (en vir u afhanklikes!) 'n baie moeilike en slegte pad wees—tensy u nou-al sorg om ook daárdie deel van u lewenspad te „straat” deur—



'n Sanlam-polis

SUID-AFRIKAANSE NATIONALE LEWENS ASSURANSIE MPY., BPK.

TAKKE DWARSDEUR DIE UNIE

HOOFKANTOOR WAALSTRAAT 28, KAAPSTAD

Geklassifiseerde Advertisies

GEBOORTE

SMIT. — Van die Heer ontvang, 'n welgekaste seun op 31 Augustus 1944. Ons innige dank aan dokter en hospitaal-personeel. Dankbare oners, Hannes en Marie Smit, Bosbokrand.

MEYER. — Aan Henry en Emmie 'n fris O.B.-dogter op 9 September. Albei wel.

SILWERBRUILOF

BELOFT: — Veldkt. en asst. veldkte. L. Bieldt (nee Edvige Rosenleft) van Wolsley, herdenk D.V. op 6 Oktober hul 25ste huweliksdag. — Meulstraat, Wolsley.

GROEITE

PIETER VAN EEDEN my kind, dit gaan nog goed met ons almal. Lees Psalm 27 en 91. Baie liefde van almal: — Moeder.

PERSONLIK

BARBICAN-ATELJEE. — U hoef nie langer te soek na Afrikaanse Fotografe nie! Kunswerk van eerste klas gehalte, wêreldbekend. Portrette, Paspoort- en Lisensiefoto's. Barbleuaggebou, Presidentstraat. Teenoor Stadsaal Johannesburg. Foon 33-6756.

Boere ondersteun die man wat nog altyd in u belang opgetree het. Stuur u woi aan mnr. P. W. Pohl, Port Elizabeth. Verteenwoordiger vir Victoria-Wes, Carnarvon, Van Wyksvlei, Vosburg, Richmond, Murraysburg en Loxton. P. W. S. Wenworth, Victoria-Wes.

DAMES en Here Haarkapper. Permanente naargolwing. Handelaar in tabak en ransasiegeedere. Agente vir die beroemde Election-notities. W. J. Grobbelaar, Kerkstraat 62, Potchefstroom. Foon 330.

EXCELSIOR HAARSNIERS SALON. Sewe Haarsnyers in diens. Sigarette, Boeke, Skilderstukke ens. Ons herstel ook horlosies. Volksgasgebou, Markstraat 76, Johannesburg. Eienaar J. J. Boshoff.

JONG Afrikaner soek vennootskap in belovende besigheid. Verstrekk besonderhede van besigheid, kapitaal verlang ens., aan „Adverteerder,” Posbus 8262, Johannesburg.

KOMMANDANT J. P. de B. Otto en familie vertrek van Johannesburg met vakansie na die Kaap op die 11de Oktober.

ONDERSTEUN 'n Afrikaner-firma, reeds 40 jaar tot u diens. Stuur u produkte, pluimvee en lewende hawe aan: H. Basson, Markagentenskap, Breestraat 100, Newton.

ONDERSTEUN 'n Afrikanersaak. A. P. Swart vir Kruideniersware, eetware en alle ander benodigdhede. Carolinestraat 95, Brixton. Foon 35-1879.

ONMOONTLIK? Waarskynlik is dit glad nie onmoontlik vir u om u gesondheid volkome te herwin nie. As u aan enige kwaal ly, afgesien van hoe ernstig dit is, en of dit tot hertoe as ongeneslik beskou is, skryf aan ons en verstrekk volledige besonderhede. Geen medisyne, geen hekskundige toestelle nie, en u staan onder geen verpligting nie. — „THE SCIENTIFIC HEALTH INSTITUTE”, Posbus 1336, Kaapstad.

POPULERE RESTAURANT: Langstraat 164, Kaapstad, foon 2-1955. Smaaklike etes en gesellige atmosfeer. Ontvangste en spesiale diens vir 32 mense kan gereël word. Sondae ook oop.

TE KOOP

ANGELIERPLANTE. Tentoonstellingsoorte; Pioneer en Regina, f1-5-0 per 100, f8-10-0 per 1,000, vry gelewer. Vyf verskillende soorte, 7/6 per dosyn posvry. 10% van winste is vir die Noodhulpfonds. — J. H. Roodt, Louis Trichardt.

BESTEL dadelik dagoud kuikens, Australorps en Leghorns. Ook kruis van Leghorn haan en Australorps hen. Bestellings vol tot einde Augustus. Vanaf daardie datum 3,000 per week beskikbaar teen f6 per 100. Vooruitbetaalbaar of K.B.A. H. R. Malan, P.K. Kerkstraat, Paarl. Foon 6203.

BOEGOE. — Twee soorte, vir sekere kwa'e. Gesweet, 12/-; Spesiaal 15/- per pond. Antwoord geen briewe. K.M.B. posvry. J. J. Spies, Rus-en-Vrede, P.K. Grootkraal, Oudtshoorn.

DEKRIET. — Beroemde Albertinia en Riversdal dekriet 15/6 per 100 bos. V.O.S. Albertinia. Bestel dadelik by: J. S. Bañenhorst, Posbus 3, Albertinia.

EEN Friesbul, 5 jaar oud, prys f25. Geteel deur mnr. Corrie Vermaak, Leeufontein, Steynsburg. L. S. v. d. Walt, T/sn., Bo-Rietpoort, Steynsburg.

EEN viervoet Moline Invincible Cultivator, so te sê nuut. Lusern en gewone tande. Prys f35. Doen aansoek by: L. S. v. d. Walt, T/sn., Bo-Rietpoort, Steynsburg.

GUERNSEY-bulletjies altyd op hand. Van 4 tot 12 maande oud. Alle beeste deur my geteel is geregistreer. Stoet-bul van die beste in ons land. Bottervet van 'n baie hoë gehalte. Eienaar is lid van Guernsey-beestelers-Vereniging. Om pryse en besonderhede skryf aan: J. G. Kemp, Bus 16, Kirkwood.

Uitgegee deur Voorslag (Edms.) Beperk. Kamer 703. Grootte Kerkgebou, Adderleystraat. Kaapstad en gedruk deur Pro Eeclasta-Drukkery (Edms.) Bpk., Stellenbosch.

TE KOOP

GEWAARBORGDE sesmaande droë grond patatranke, 7/- per sak van 80 pond. Kontant met bestelling, vry gelewer op my stasie. Johannes Terblanche, Glencoe, Bus 75, Mosselbaai.

KOOP u meubels by 'n mede-Afrikaner teen billike pryse. Gratis verpakking. Skryf om besonderhede. Springbok-Meubels, Spenceerweg 18, Sout Rivier.

MINSSTOWWE. — Ons bied aan gemaalde Karoomis teen 42/6 per ton, gelewer Unie-stasies. 50-50 mengsel teen 55/- per ton, gelewer Unie-stasies. Ganna loogas vir soutlek. Die beste soutlek teen geïsoleer en haarkworm teen 20/- per sak. V.O.S. ons laastasie. Kontant met bestelling aan Nasionale Kaap Minsstowwe, Posbus 27, Langlaarte, Tvl.

MEUBELS. — Besoek of skryf aan die saak waar u waarde, diens en tevredeheid kry. Petra-Meubels Bpk. Sentraalstraat 226, Pretoria. Posbus 1358. Foon 2-0194.

MELK en VLEIS. — Dunbar Roof-poenskop-stoetery veld geregistreerde en hoërgraad jong hulle aan. Almal kalwers van die ingevoerde top-stoetbul „Knepp Solleitor” teen redelike pryse. Om verdere besonderhede en pryse skryf of besoek: Enslin, Pos Gloria, Middelburg, Tvl.

OPREGTE. Chantenay en Nantes Wortelsaad, 12/- per pond, 7/- per half pond. Beste Australiese Bruin Uleesaad 6/- per pond, 4/- per half pond, gesertifiseer. K.M.B. posvry. J. J. Spies, Premier Saadkweker, „Rust en Vrede,” P.K. Schoemanshoek, Oudtshoorn.

PATATRANKE. — 6 maande; spesiaal gegroei vir plant teen 7/- per sak. Meld u stasie. S. P. Gerber, P/s. Serpentine, Dist. George.

RAMME — Merino Stoetery. — Beperkte hoeveelheid Wanganella ramme beskikbaar. Groot karkasse en wol met uitstekende kwaliteit die kenmerke. Plaas bestellings vroegtydig. Pryse vanaf f5 vir kudde. J. H. Moolman, Rusoord, Middelburg K.P. Foon 412.

VANS CONCRETE PRODUCTS. — Terazzo, Kombuis- en handwasbakke, baddens, sepietse tenks, pilare, vloertriele, voertrieë. Enigste in beton. Direkteure: P. W. en P. G. van Heerden, Potchefstroom 258, Pretoria.

WYNE

5 GELLING Muskadel-Likeur f2-12-6; anker f3-17-6. 5 gelling Roof of Wit Muskadel-Jeripiko of Beste Op Port f2-2-6; anker f3-2-0; 5 gelling Roof Soet Muskadel f2; anker f2-18-6. 5 gelling Worcester Hock, Soet Sjerrie of Half-soet Muskadel f1-15-0; anker f2-11-0. Voorwaardes: Kontant of K.B.A. Wyn gelewer Bonnievale-stasie. Vaatjies moet teruggestuur word. J. C. Junker, Weltevrede-Wynmakery, Posbus 6, Bonnievale, K.P.

HERHOLDT se BOOMKWEKERIE JOHANNESBURG Posbus 660,

KRISANTE — Oktober-November planttyd. Ons „DONOU” Versameling, glorieryke kleurskakering, uitstekende pragsoorte, 25/- per dosyn, 15/- vir 6. Ons „OPERA” Versameling. — reuse van die vertoofafel, fraai kleure, 18/6 per dosyn, 12/6 vir 6. Ons „LUUKSE” Versameling, fraai kleure, reusagtige blomme. 18/6 per dosyn, 10/6 vir 6. Ons „TUIN” Versameling, pragtige soorte gesorteerd. 15/6 per dosyn, 9/6 vir 6. AMERIKAANSE BOOMANGELIERE, pienk, rooi, saim ens., gesorteerd 10/6, 12/6, 15/6 per dosyn volgens soorte. Kontant met bestelling. Sierstruik, Sierbome, Heiningbome, Rose in blikke.

BETREKKING VAKANT

AFGETREDE Spender. — Aansoek word hiermee gedoen vir die dienste van 'n afgetrede Spender, of 'n persoon met spreekkennis, as hulp vir privaatspeurdiens. Rig aanvrae aan: Posbus 380, Krugersdorp.

DRINGEND benodig, 'n dame vir algemene kantoorwerk. Kennis van Boekhou 'n vereiste; tikwerk sal 'n aanbeveling wees. Moet lid van die Ossewabrandwag wees, en dienste onmiddellik aanvaar. Aanvraag sal volgens kwalifikasies. Rig aansoek met getuigskrifte aan: Stafhoof, Gebied „A,” Grootte Kerkgebou 603, Kaapstad.

HERSTELWERK

HOEDE. — Vir kleur en herstelwerk bring u hoede na Sylvia Thomas, Henrystraat 130, Bloemfontein. Bestellings kan per pos gedoen word.

ONS WEET U VERKIES OM U VENDUSIES IN DIE TRANSVAAL IN AFRIKANER-HANDE TE GEE.

TOT U DIENS.

Wesrandse Venduafslasers (Edms.) Beperk. Posbus 46, Foon 62-1764. MARAISBURG. of Posbus 245, Foon 66-2799, KRUGERSDORP.

KRAG WAT VERWERP WORD

In sy pleidooi vir verdraagsaamheid het mnr. Tom Naudé op die Transvaalse kongres van die H.N.P. gesê dat ondanks intensiewe organisasie daar nie meer as 700 H.N.P.-lede in die hele Pietersburgse kiesafdeling is nie. „Ons het die algemene verkiesing daar gewen omdat die O.B.'s vir ons gestem het en ons het die Provinsiale verkiesing verloor omdat die O.B.'s nie vir ons gestem het nie,” het hy gesê.

KINDERS EN 10 OKT.

Nie net Afrikaanse organisasies nie, maar ook liggame wat verteenwoordigend is van die hele blanke bevolking het in die afgelope jaar by die regering aangedring om 10 Oktober, geboortedag van pres. Kruger, tot openbare vakansiedag te verklaar. Sels die Provinsiale Raad van Transvaal en die munisipale kongresse van Transvaal en die Vrystaat het eenparige versoë tot die regering gerig, maar dit is geweier.

In die verlede het skoolkinders op verskeie plekke in die land op 10 Oktober weggebly uit die skool as protes teen die regering se houding. Sels Engelssprekendes het aan hierdie versoë deelgeneem. Na verneem word is daar baie kinders wat vanjaar hierdie voorbeeld gaan navolg, en die vooruitsig bestaan dat die onderwysers op 10 Oktober voor leë banke sal moet staan.

PLUIMVEE

Die Beste Firma om u PLUIMVEE, EIERS en ander PRODUKTE aan te stuur is: C. M. ELOFF EN KIE. (Edms.) Beperk MOREMARE (Posbus 7185) NEWTON

G. A. FICHARDT, Beperk

(Lid Afrikaanse Handelsinstituut) MASJINERIE, YSTERWARE, PRODUKTEHANDELAARS Foon 700 Opkerig 154 BLOEMFONTEIN

W. VOIGT (Eiens.) Bpk.

Fabrikaner van Kelder- en Besproeiingsmasjinerie. Bus 10. HUGENOOT, K.P.

WIL U 'N ORDENTLIKE PAK KLERE LAAT MAAK? Besoek dan

RAUTENBACH'S

DIE DAMES EN MANS KLEREMAKERS Voortrekkergebou 301 (Derde vloer) Foon: 229535. JOHANNESBURG.

GILFILLAN en STROH

Die 100% Afrikaanse Fletshandel. Ons spesialiseer in fletsreparasies; Koop en verkoop van gebruikte fletse; Handel met nuwe fletse en fletsonderdele. Ons waarborg alle werk. KERKSTRAAT 57B - - POTCHEFSTROOM.

MARKAGENTSAP VROËË MORE-MARK

KAAPSTAD BETALING GESKIED ONMIDDELIK, WEEKLIKS, MAANDELIKS OF SOOS VERLANG. BESTE HEERSENDE PRYSE. MINNAAR & VAN SCHOOR Eienaar: GUSTAV RETIEF. Telefoon 2-0212.

GEVANGENES SE DANK

Vier politieke gevangenes in die Bloemfonteinse tronk wens hul dank te betuig aan die O.B.-kamerade wat hulle van vrugte, beskuit, komberse en kampbedjies voorsien het. Hulle verseker die vroue dat solank hulle die Boere seuns voed, hulle op hul beurt nie die knie sal buig nie.

ALGEMENE HANDELAAR

en PRODUKTE KOPER S. J. KRYNAUW vir Kruideniersware teen die billikste pryse. Bestellings word opgeneem en onmiddellik by u huis afgelewer. H/v. GARCIA en NUWESTRAAT Foon 68 Bus 86 BEAUFORT-WES.

SLUIT AAN BY

Waterberg Begrafnis Genootskap

wat skakel en versker is by SAFFAS BPK. EN VERGEET BEGRAFNIS-KOMMER. In Waterberg- en Potgietersrust-distrikte is 'n Tak binne u bereik. Kom sien my of skryf aan: C. J. MARAIS, Bus 65, NYLSTROOM.

AANDAG!!

EXCELSIOR WYNE verower 3 silwer bekere en verskeie eerste pryse op Paarl Wyn-tentoonstelling 1943.

Bestel direk van Produceerder JOHN SCHOEMAN, „EXCELSIOR”

VLAKTEPLAATS-STASIE, K.P.

	Per Bottel	Per Gelling
Spesiaal	2/3	10/-
Roer Jeripiko	1/9	8/-
Wit Jeripiko	1/9	8/-
Malmsey	1/9	8/-
Soet Muskadel — rooi	1/8	7/6
Soet Muskadel — wit	1/8	7/6
Soet Port	1/8	7/6
Port	1/6	7/-
Pontak	1/6	7/-
Worcester Hock	1/6	7/-
Spesiale Sjerrie	1/6	7/-
Sjerrie	1/5	6/6
Moskonfyt	1/6	6/6

Voeg by 5/- vir Kissie en Bottels en 20/- vir Vaatjie, wat vergoed sal word by terugsending spoorvrag betaald.

L.W. — Wyn word alleen in Kissies van 12 groot bottels of Vaatjies van 5 gell. en meer verkoop.

Terme: K.M.B. plus treingeld na slyne of K.B.A. plus treinkommissie v.o.s. Vlakteplaats-stasie.

LET WEL. — Moskonfyt word alleen voorsien in klesse van 12 bottels of in 4-gel. karba's, waarop die dep. 5/- en 10/- respektiewelik is.

IS U KAR BAIE BESKADIG IN 'N ONGELUK? Bring dit na ons en sien die resultaat!! ROELOU BARRY (Edms.) Bpk. ROBERTSON — MONTAGU — BONNIEVALE — LAINGSBURG. Ons spesialiseer in bakwerk, veral ongeluk en meganiese herstelwerk, en smeer van Karre. Agente vir: Ford, Firestonebande en Plaasgereedskap. VINNIGE EN DEEGLIKE DIENS GEWAARBORG.